



Сулейман-Стальский райондин общественно-политический газет
1931-йисалай акъатзава

КУЪРЕДИН ХАБАРАР

№6 (26533)

Жуьмя, 10-февраль, 2023-йис
Газет гъафтеда садра акъатзава.
Маса гуни кьимет азадди я

Райондин администрацияда

Герек куьмекар гузва

Сулейман-Стальский райондин Кьил Саид Темирханован регьбервилек кваз кьиле фейн заседанидал Россиядин Яракьлу Къуватри Украинада кьиле тухузвай военный махсус серенжемдин иштиракчийрин хизанриз социальный рекьерай ва адресрин куьмек гунихъ галаз алакьалу месэлайриз килигна.

Заседание ачухдайла райондин Кьил Саид Темирханова

хуьрерин поселенийрихъ, къурулушрихъ, организацийрихъ ва учрежденийрихъ галаз сих алакьада аваз кьвалахзава.

Заседанидал муниципалитетда военный махсус серенжемдин иштиракчийрин хизанриз куьмекар гуни жигьтдай тухузвай кьвалахрал общественный хатасузвал хуьнин рекьяй райадминистрациядин Кьилин заместитель Абуталиб Фатулаев мадни ге-

кьерай куьмекар гузва. Алай вахтунда куьчейра кьир цунин ва херхем вегьинин патахъай арзаяр ганвайбурун списокар гъазурнава.

Райондин талукь къуллугъриз ва хуьрерин поселенийрин кьилериз СВО-дин иштиракчийрин хизанриз куьмек гуни патахъай 23 тапшуругъ рекье тунва. Абурни яшайишдин кьвалер эцигдай чилин участкар чара авунихъ, лицевой счетар ачухунихъ, пичера кудай кларасар гъазурунихъ галаз алакьалу я.

Райадминистрациядин тапшуругъдихъ галаз алакьалу яз мобилизоватнавай са касдин уьмуьрдин юлдаш духтурвиле кьвалахал эцигнава. Мобилизациядик акатнавай кьве касдин уьмуьрдин юлдашриз аялрин бахчайра, садаз райондин аялрин яратмишунрин Кьвале кьвалахар ганва. Мобилизациядик акатайбурун хизанрай тир 3 касди культурадин отделда кьвалахзава. Мадни, сокращенидик акатай 3 кас чпин кьвалахрин чкайрал тунва.

Военный махсус серенжемдин иштиракчийрин хизанриз гузвай куьмедикай, и кар патал къабулзавай серенжемрикай КЦСОН-дин директор Абдулфетягь Бабаева, УМИЗ-дин директор Назир Гьасанова, «ЖКХ и благоустройство» МКУ-дин директордин заместитель Икрам Нежведилова, Алкьвадрин хуьруьн поселенидин администрациядин кьил Алим Гьуьсейнова ва Кьасумхуьруьн поселенидин администрациядин кьил Далгат Бабаевани малуматар гана.

Заседанидин нетижаяр райондин Кьил Саид Темирханова къуна, ада килигай месэладин важиблудвал кьейдна, талукь къурулушриз, АСП-рин кьилериз кьвалахар активламышунин патахъай тапшуругъар гана.

Кьилди къачуртла, райондин Кьили лагъайвал, СВО-да иштиракзавай гьар са кьегьал хчин хизанриз герек вири рекьерай куьмекар гуни, абурун дерди-гьал туькуьрунин месэлаяр федеральный дережада ва Дагъустан Республикадин Кьил Сергей Меликован гьар йикъан кьетен гуьзчивилик квайди я. Тапшуругъар тамарун чи буржини я.

Асият Мирзалиева,
Хазран Кьасумов



кьейд авурвал, тамам тушир мобилизациядик акатай ва военный махсус серенжемда иштиракзавай гьар са касдин хизанрин дерди-гьал чирунин, гьар са рекьяй абуруз куьмек гуни рекьяй района кьвалах тешкилнава ва кьиле тухузва. Мобилизациядик акатайбуруз куьмек гуни штатни кардик ква. Вири и месэлаяр райондин Кьил Саид Темирханован кьетен гуьзчивилик ква.

- Военный махсус серенжемдин гьар са иштиракчидиз социальный паспортар туькуьрунава, анра гьар са хизандин асул дердияр ва игътияр къалурунава, - давамарна райондин Кьили. - Идалайни гьейри, гьар са хизандихъ галаз кьилди кьвалах тухузва. Муниципалитетдин дережада СВО-дин иштиракчийрин хизанрин членар кьвалахал эцигунин, абурун аялар аялрин бахчайриз къабулунин ва ЖКХ-дин месэлаяр гьалзава.

Районда кардик квай рекьерин фондунин пулунин такьатрин гьисабдай ихътин хизанар яшамеш жезвай куьчейра аваданламышунин кьвалахарни кьиле тухузва. Чкадал гьаялиз тежесвай месэлаяр республикадин къурулушрал ва ведомствойрал агакьарзава. СВО-дин иштиракчийрин хизанрин месэлаяр гьалунин рекьяй райондин администрацияди

гьеншидиз акьвазна. Ада кьейд авурвал, мобилизациядик акатнавайбурун кьвалериз финин график туькуьрунава. Хуьрерин АСП-рин кьилери ихътин хитанриз чкайрал фена герек куьмек гузва. Мадни, райондин депутатрин Собранидин кьарардалди мобилизоватнавай гьар са касдиз 10 000 манат пул гана.

Мергьметлувилин «Умуд» фондуни ва минеральный ятар акъуддай «Рычал-су» заводди мобилизовать авунвай 56 касдиз 10 000 манат пул (гьар садаз) ва аскерриз герек шейэр (военный амуниция) гана.

Махсус серенжемда игитвилелди телеф хъайи 10 касдин хизанриз мергьметлувилин «Умуд» фондуни (гьар са хизандиз) 100 000 манат, хирер хъайи 27 касдин хизанриз (гьардаз) 50000 манат пул гана.

Мобилизациядик акатайбурун хизанрин членриз са сеферда тир 100 000 манат пул ганва. Гьакъни яшайишдин дараматриз ихътияр тайинардай документар туькуьрунин, мобилизациядик акатнавайбурун уьмуьрдин юлдашар образованидин, культурадин ва здравоохраненидин идарайра кьвалахрал эцигунин, яшайишдин кьвалер эцигдай чилин участкар чара авунин, газдин ва экверин лицевой счетар ачухунин ва маса ре-

МУБАРАКРАЙ!

Муниципалитет социально-экономический рекьерай вилик финик еке пай кутунай ва 65 йис тамам хуьнай Сулейман-Стальский райондин Кьилин 1-заместитель Лацис Оруджеваз Сулейман-Стальский райондин Кьил Саид Темирханова райадминистрациядин аппаратдин совещанидал райондин Кьилин твар кхьенвай гьилин сят гана.

Сят вахкудайла Саид Темирханова, юбилей мубарак авунихъ галаз санал, яргьгал йисарин баркаллу зегьметдай, чкадин метлеб авай месэлаяр гьалунин пешекарвилелди эгечунай Лацис Оруджеваз рикин сидкьидай чухсагъул лагъана.

Дагъустан Республикадин эменнидин хиле серенжемар уьмуьрдиз кечирмишунин карда активдаказ ва бегьерлувилелди кьвалахунай Сулейман-Стальский райондин УМИЗ-дин директор Назир Гьасановаз ДР-дин чилерин ва эменнидин министерстводи чухсагъул малумарна.

Чухсагъулдин чар райондин Кьил Саид Темирханова райадминистрациядин аппаратдин совещанидал вахкана ва Назир Гьасановаз тебрикдин келимаяр лагъана.



Лезги члалан конференциядин кьаршидиз

Тешкиллувилин комитетдин заседание

Алай йисан 9-февралдиз «Сулейман-Стальский район» муниципальный райондин администрациядин Кьилин 1-заместитель Лацис Оруджеван регьбервилек кваз района дидед члал хуьнин ва вилик тухунин илимдинни тежрибадин конференциядиз гъазурвилер акунин ва конференция тешкиллувилелди кьиле тухунин тешкиллувилин комитетдин сад лагъай заседание кьиле фена.

Заседанидал «Районда дидед члал хуьн, чирун ва вилик тухун патал илимдинни тежрибадин конференциядин вилик акьвазнавай везифаяр» темадай Дагъустандин халкьдин шаир, райондин культурадин отделдин начальник Майрудин Бабаханова гегьенш рахунар авуна ва заседанидин иштиракчийар конференция кьиле тухунин Пландин проектдихъ галаз танишарна. Ада лагъайвал, гьиле авай йисан 21-февралдиз Кьасумхуьрел дидед члал хуьниз, чирунунин ва вилик тухунин талукьарнавай районрин уртах конференция 11-сеферда кьиле фида. Адаз гъазурвилер акунин ва конференция кьиле тухунин тешкиллувилин комитетдиз муниципалитетдин Кьил Саид Темирханова регьбервал гузва. Комитетди вичин кьвалахни план-графикдин бинедаллаз кьиле тухузва. ИкI, Плана конференциядила вилик, 21-февралдиз ва адалай гуьгьуьнниз тухудай мярекатар къалурнава.

Заседанидал чли регьбервал гузвай организацияра дидед члалан конференциядин кьаршидиз талукьарна тухвай ва тухузвай мярекатрикой образованидин управленидин начальник Гьуьсейн Шихбабаева, ИМЦ-дин методист Назират Азимовади, музыкальный школадин директор Къазибег Къурбанова, художественный школадин директор Бажихалум Меликовади, Информгентстводин руководитель Гуллер Камиловади, «Куьредин хабарар» газетдин кьилин редактор Асият Мирзалиевади, аялрин яратмишунрин кьвалин директор Нариман Османова, ЦБС-дин директор Назили Шихбабаевади ва масабур малуматар гана.

Хазран Кьасумов

Ватанпересвал

«Къарагъ кIвачел, викIегъ ксар...»

ВикIегъвал, дирибашвал, игитвал – ибур лезгийрин ивидик квай-ди вилик девирра машгур гзаф ксари къейднай. Лезгийри вири девирра, чпин намус хъиз, Ватан, адан аслу туширвал хвейиди я. Герек атайла, и кар, чпин лезги къилих абуру чи йикъарани къалурзава. Алай вахтунда Россиядин Яракълу Къуватри Украинада къиле тухузвай махсус серенжемда викIегъвилелди иштиракзавай, жуъртлувилер къалурзавай халис къегъалар – лезги халкъдин векилар акурла, рикIел Забит Ризванован ширдин цIарар къевезва: «Къарагъ кIвачел, викIегъ ксар, Ватан патал фена кIанда... Ханн ксар – чал пехилбур, Чпин мука къена кIанда».

Офицерар, контрактникар яз ва тамам тушир мобилизациядик кваз фена Донбасда махсус серенжемда иштиракзавай, ана къегъалвилер къалурзавай, идай гьукматдин орденризни медалриз лайихлу хъанвай къегъалрикай, райондин Кьил Саид Темирханова, общественный хатасузвал хуьнин рекъай райадминистрациядин Кьилин заместитель Абуталиб Фатулаева абур къабулуникай, гьакIни къегъалрин диде-бубайрихъ галаз тухузвай гуьруьшрикай чи гаетдин саки гьар са нумрада макъалар гузва.

ИкI, алаатай гьафтада райондин Кьил Саид Темирханов райадминистрацияда Агъа-СтIалрин хуьрай тир женгинин махсус серенжемдин иштиракчи Арсен Садыкъовахъ галаз гуьруьшмиш хъана.

Арсен Садыкъова гуьруьшдал къейд авурвал, ада Росгвардиядин жергейра къуллугъзава. Украинада махсус серенжем башламиш хъайи сифте йикъарилай гегIна Арсена ана иштиракзава, аскервилин буржи къегъалвилелди къилиз акъудзава, гзаф миллетрикай ибарат тир Россиядин хатасузвал ва игътияжар хуьзва. Женгинин гьерекатра А. Садыкъова кIеви, дурумлу къилих, пешекарвилин дережа къалурна. Аскервилин буржи викIегъвилелди къилиз акъудунай саперрин ва расчетдин отделенидин командир А. Садыкъоваз гьукматдин наградаяр, гъа гьисабдай яз «За разминирование» ва Жукован медалар ганва.

Гуьруьшдин вахтунда райондин Кьил Саид Темирханова отпускдиз хайи хуьруьз хтанвай Арсен Сады-



къовавай дерди-гьал хабар къуна, райондин администрация вири рекъерай махсус серенжемдин иштиракчийриз къумек гуз гъазур тирди къейдна.

Гуьруьшдин эхирдай райондин Кьил Саид Темирханова ва общественный хатасузвал хуьнин рекъай райадминистрациядин Кьилин заместитель Абуталиб Фатулаева аскервилин буржидиз вафалувилай Арсен Садыкъоваз чухсагъул малумарна ва махсус серенжем акъалтI хъайила ам сагъ-саламатдиз хизандин патав хтана кIанзавайди лагъана.

Махсус серенжемдин активный иштиракчи Арсен Садыкъовакай рахадайла алава хъийиз кIанзава хъи, адахъ галаз гуьруьш Агъа-СтIалрин юкъван школадани къиле тухвана. Тербиядин рекъай школадан директордин заместитель Румина Мегъамедовади тешкилай мярекатда гьакIни райондин прокурордин къумекчи Наида Вагъабовади, «Чернобыль России» союздин райондин отделенидин председатель, райондин Собранидин депутат Агъмедулагъ Шайдаева, школадан директор Феликс Магъмудова, хуьре кардик квай учрежденин ва общественностдин векилри иштиракна.

Хазран Къасумов

Культработникрин патай

Райондин идарайри, органи-зацийри, зегъметчи коллективри Россиядин Яракълу Къуватри Украинада къиле тухузвай махсус серенжемдин иштиракчийриз мергъетлувилин рекъай къумекар гунин, къилди къачуртIа, сифте нубатда герек шейър, медикаментар ва маса шейър ракърунун кIвалахар давамзава. ИкI, 6-февралдиз райондин культурадин отделениди, къилди къачуртIа, адан къурулушдик акатзавай библиотекайрин, культурадин кIвалерин, музыкальный ва художественный школайрин коллективри, «Аскерриз-посылкаяр» акциядин сергъятра аваз алукIдай парталар ва Донбасдин аялриз ктабар авай посылкаяр рекъе туна.



Чи корр.

Муаллимдин ва несигъатчидин йис

Нейтижаяр къуна, везифаяр тайинарна

Сулейман-Стальский райондин образованидин управленида муниципалитетдин образованидин учрежденин руководителрин совещание къиле фена. Адан кIвалахда райондин Кьил Саид Темирха-

педагогвилин асул метлебдин фестиваль ва маса мярекатар къиле тухуда.

Райондин образованидин управленидин начальникдин заместитель Абдулнасир Ханвердиев вичин рахунра WEB-



нова, райадминистрациядин Кьилин 1-заместитель Лацис Оруджева, заместитель Абуталиб Фатулаева иштиракна.

Совещанидал алаатай образованидин ййсан План уьмуьрдиз кечирмишунин нетижайрикай образованидин управленидин начальник Гьуьсейн Шихбабаева малумат гана. Ада къейд авурвал, образованидин ййсан План 98 пунктуникай ибарат тир. Абур вири еридивди къилизни акъудна. Образованидин ййсан сергъятра аваз образованидин учрежденин материально-технический гьалар, образованидин ери хъсанарунихъ, муаллимрин авторитет, кесер хкажунихъ рекъе тунвай жуьреба-жуьре мярекатар къиле тухвана.

Совещанидал Муаллимдин ва Педагогдин ййис тир алай ййисуз тухудай мярекатрин Пландикай ИМЦ-дин директор Муминат Бабахановади малумат гана. Ада къейд авурвал, и ййсан сергъятра аваз районда районрин уртах илимдинни практикадин конференцияр, педагогар патал мастер-классар, муниципалитетрин арада «Школа молодого педагога» семинарар, литературадин конкурсар,

технологияр ишлемишуналди 9-классра нетижаяр къадай суьгъбетар тухун патал образованидин учрежденин вилик акъвазнавай везифайрал гегъеншидиз акъвазна.

Образованидин организацийрин руководителрин аттестациядин месэладикай РУО-дин кьилин пешекар Рамазан Ягъибекова малумат гана.

Образованидин къурулушдин къенин юкъуз важиблу месэлайрай совещанидал райадминистрациядин Кьилин 1-заместитель Лацис Оруджев, общественный хатасузвал хуьнин рекъай заместитель Абуталиб Фатулаев, райондин профсоюздин комитетдин председатель Халилбег Халилбеков, РУО-дин начальникдин заместитель Къачабег Аминов ва ИМЦ-дин дитректордин заместитель Венера Абдуселимова рахана.

Совещанидал килигай месэлайрин важиблувал къейд авуналди, эхирдай анал райондин Кьил Саид Темирханов рахана, Муаллимдин ва Несигъатчидин ййис лайихлудаказ тухун патал ада къиметлу меслятар къалурна, теклифар гана.

Хазран Къасумов

Гъазурвал ахтармишна

КIварчагърин хуьре «Модернизация первичного звена здравоохранения» программадай врачевный амбулаториядин цIийи дарамат эцигнава. И ййкъара райондин Кьил Саид Темирханов цIийи объектдал фена, тамамарнавай кIвалахар ва абурун ери ахтармишна.

Райондин Кьилиз пешекарри лагъайвал, эцигунрин кIвалахар чпин вахтара ва ери аваз къиле тухвана, объект эцигна саки акъалтIарнава.

Райондин Кьил Саид Темирханова талукъ къуллугърин работникриз гъял тавунвай месэляяр къилиз акъудунин ва объектдин территория дуьзмишунин патахъай тапшуругъар гана.

Бахтлу велед хуьрай!

И ййкъара райондин Кьил Саид Темирханов райондин центральный больницадин аялар хадай отделенидиз фена ва алай ййисуз сифте аял хайи жегъил диде Сара Назировадиз бицIек мубаракна, адаз цуьквер гана.

Малум хъайивал, Бутхуьрай тир С. Назировадин хизанда 2-велед тир Салагъ 1-февралдиз хъана.

Жегъил дидеди вичиз алихшдин келимаяр лугъунай райондин Кьил Саид Мусиновичаз ва медицинадин жигъетдай пешекарвилелди къумек гуннай медработникриз чухсагъул малумарна.

Чи корр.



СПОРТ. СПОРТ. СПОРТ.

Боксдин центрада – жегьилрин чемпионат

Яшайишдин, экономикадин, культурадин ва маса рекъерай хъиз, Сулейман-Стальский район спортдин ва физкультурадин кваллах вилик тухунайни Дагъларин уълкведа вилик жегьейра авай муниципалитетрик акагзава. Эхиримжи йисара районда аялринни жаванрин спортдин школаяр, анрин филиалар, спорт вилик тухунин центраяр эцигнава. Ида неинки жегьилри

80-далай виниз жаван боксерри иштиракна. Абурун арада Дагъустан Республикадин кВенкИвечивал патал акъажунрин ва Вирироссиядин турниррин гъалибчирни призерар авай. Гъавилляй абурун арада акъажунарни кызгындаказ кыле фена. И кар турнирда финалдин бягсериз килигай ДР-дин спортдин министр Сажид Сажидовани къейдна.

серрин бажарагъдиз ва гележегдиз еке кыммет гана, алакьунар кьалурунай абуруз сагърай лагъана, абурухъ спортдин рекъе гележегда мадни еке агалкьунар хъана кланзавайди къейдна.

- Чи республикадихъ спортда баркаллу адетар вири вахтара хъайиди я, абуру кьенин йикъара чи жегьил несилди давамарзава, виниз тир негъайралди, чпин агалкьунралди Дагъустан вири дуьньяда машгъурзава, - лагъана райондин Кьил Саид Темирханова. – Спорт ва физкультура вилик финиз республикадин руководстводини фикир ва дикъет гузва. Алай йисан 14-январдиз Къварчагъа кардик квай боксдин центрадиз республикадин Кьил Сергей Алимович Меликов агунни ва ада чкадин жаван боксеррин алакьунар къейд авуни и кардин патыхъай ачухдиз шагъидвал ийизва. Къварчагърин боксдин центр чаз са шумуд йисан вилик меценатди вичин патай савкъат яз эцигна. Къе центрадикай чемпионар гъазурдай чад хъанва. Республикадин руководстводини кумек галаз чна районда спорт мадни вилик тухуда. За кьенин турнирдин гъалибчийриз ва призерриз агалкьунар мубаракзава, абурухъ гележегда мадни чехи агалкьунар хъун кланзава.

Гъалибчийрив ва призеррив наградаяр вахкайдалай гуьгъуьниз боксдин центрада лишанлу мад са вакъиа кыле фена: Дагъустан Республикадин Кьил Сергей Алимович Меликован тапшуругъдалди ДР-дин спортдин министр Сажид Сажидова Къварчагърин Хабиб Аллагвердиеван тварунихъ галай бокс вилик тухунин центрадиз спортдин инвентарь ва спортдин парталар (экипировка) гана.

Турнирдин эхирдай район-



спортдин гъар са жуьредал машгъул жедай ва устадвал хкаждай, гъакни районда республикадин ва Вирироссиядин чехи дережадин чемпионатар, турнирар виниз тир тешкиллувал аваз кыле тухудай мумкинвал гузва. Ихътин мумкинвилер авай спортдин идарайрикай сад Къварчагърин хуьре халкъдихъ рикI кузвай меценатди эцигай Хабиб Аллагвердиеван тварунихъ галай бокс вилик тухунин центр я.

4-февраль. Пакаман кыляй Къварчагърин Хабиб Аллагвердиеван тварунихъ галай бокс вилик тухунин центрадиз гзаф къадар инсанар кватI хъанва. Абурун арада Сулейман-Стальский райондин Кьил Саид Темирханов, Дагъустан Республикадин спортдин министр Сажид Сажидов, боксдин центр вичин тварцIихъ галай машгъур боксер, спортдин международный классдин мастер Хабиб Аллагвердиев, Махачкъаладай, Каспийскдай, Дербентдай ва маса шегъеррайни районрай атанвай багъа мугъманар, машгъур спортсменар гзаф ава.

Махлукъат Къварчагъиз 2007-2008-йисара дидедиз хъайи гадайрин арада боксдай Кьиблепатан Дагъустандин кВенкИвечивал патал кыле тухузвай турнир ачухунин мярекатдиз ва жегьил спортсменрин бягсериз килигиз атанвай бур тир.

Боксдай турнир Сулейман-Стальский районда кардик квай спортдин, туризмдин ва жегьилрин крадай Комитетдин кумек галаз Дагъустан Республикадин физический культурадин лайихлу работник, боксдай Кьиблепатан Дагъустандин хъянавай командадин старший тренер Альберт Межидова тешкилнавайди тир.

Турнирда Кьиблепатан Дагъустандин шегъеррай ва районрай атанвай 14 командади,

- Кьенин турнирда заз чпихъ еке гележег авайдахъ инанмишвал кутаз жедай хейлин жаван боксерар акуна, - лагъана министр С. Сажидова. – Зун кВелелай инанмиш я хъи, и турнирдин иштиракчийрин арада гележегдин дуьньядин, Европададин, Россиядин чемпионар ава. Жаван боксеррин устадвили, гъалибвилехъ къастуни зун гъейранарна. Ихътин боксерриз ва абуру гъазурзавай тренерриз чухсагъул.

Кызгындаказ кыле фейи турнирда Сулейман-Стальский райондин командади инанмишвилелди 1-чка кьуна.



Къвед ва пуд лагъай чкаяр, талукъ тирвал, Къайтагъ ва Мегъарамдхуьруьн районрин командайри кьуна.

Сулейман-Стальский райондин командадиз Кубок, 1, 2 ва 3-чкаяр къур боксерриз медалар ва грамотаяр гана.

Махсус призериз гъакни виридалайни хъсан 10 боксер, судья ва тренерарни лайихлу хъана. Кылди кьачуртIа, лап хъсан спортсменрин арада Къварчагъай тир Ильхан Эзбербеговни ава. Маджалисдай тир Ислам Мегъамедоваз лап хъсан техникадай, Самурдай тир Заур Османоваз лап хъсан бягъе тухунай призар гана.

Республикадин ва райондин официальный ксари жаван бок-

дин Кьил Саид Темирханова районда яшайишдин, экономикадин месэлайриз хъиз, спорт вилик тухунин месэладизни къетIен фикир гунай республикадин руководстводиз, кылди Сергей Меликоваз ва мугъман хъунай ДР-дин спортдин министр Сажид Сажидоваз райондин агъалийрин ва вичин патай чухсагъул малумарна.

Райондин Информагентстводин журналистрихъ галаз кыле фейи гуьруьшдал Къварчагърин хуьре кардик квай бокс вилик тухунин центрадин кваллахдиз ва ана вердишвилер кьачузвай жаван боксеррин алакьунриз боксдай машгъур спортсмен Хабиб Аллагвердиевани еке кыммет гана.

Жегьилрин агалкьунар

И йикъара Дагъустандин педуниверситетдин спортдин дворецда армрестлингдай Дагъустан Республикадин чемпионат кыле фена. Ана республикадин шегъеррай ва районрай атанвай 100-далай виниз спортсменри иштиракна, абуру заланвилени 10 категориядай чпин кьуватар ахтармишна.

70 килограммдин заланвилляй Чуьхверхуьрелай тир машгъур спортсмен Эрзиман Алисултанова 1-чка кьуна ва Дагъустандин чемпионвилени твар кьачуна. И агалкьунрик Эрзиманан тренер, Россиядин ва дуьньядин чемпион, РФ-дин лайихлу тренер Малик Тагъирбекован еке пай ква.

Махачкъала шегъердин округдин кВенкИвечивал патал азадказ кьуршахар кьунай кыле фейи акъажунра жаван пагъливанри чпин алакьунар кьалурна. Къуд касдин винел гъалибвал кьачур Рагъим Алискерова 65 килограммдин заланвилляй 3-приздин чка кьуна.

Лагъана кIанда, Рагъим Сулейман-Стальский райондин 2-ДЮСШ-дин выпускник я. Алай вахтунда ада Махачкъаладин «Динамо» клубда дуьньядин чемпион Артур Муталибован гъилик вичин устадвал хкажзава.

Адаман 2-чка

Буйнакский райондин Губден хуьре азадказ кьуршахар кьунай аялрин ва жаванрин арада республикадин турнир кыле фена. Адан иштиракчийрин арада Агъа-СтIал Къазмайрилай тир 7 йис яш хъанвай Адам Мегъамедовни авай. Ада 18 килограммдин заланвилляй 3 бягъсина гъалибвал кьачуна. Финалда са тIимил тафават аваз кумукъай Адама турнирда 2-чка кьуна.



4-нумрадин ДЮСШ-дин тренер-преподаватель Спартак Мегъамедован гъилик вердишвилер кьачузвай Адам медалдиз ва грамотадиз лайихлу хъана.

Москвада устадвал кьалурна

Москвада Россиядин кВенкИвечивал патал жегьилрин арада ММА-дай акъажунар кыле фена. Ана иштираккай 300 спортсмендин арада Сулейман-Стальский райондай тир тренер Буба Бабаеван гъилик вердишвилер кьачузвай ва устадвал хкажзавай са шумуд спортсменни авай. Абурукай Сулейман Къадиева (80 кг.) турнирда 1-чка кьуна.

Асали Мегъамедов (33 кг.) 2-чкадиз ва Амрид Эседов (54 кг.) 3-чкадиз лайихлу хъана.

Турнирдин чемпион Сулейман Къадиева гила Россиядин хъянавай командадик кваз майдин вацра Антальяда (Турция) дуьньядин Кубок патал кыле фидай акъажунра иштиракда.

Волейболдай турнир



Дербент райондин Агълабрин хуьре Азад Амрахов ва Вадим Пиримов рикIера хуьнин лишан яз волейболдай чехи яшарин спортсменрин арада турнир кыле фена. Ана 6 командади иштиракна. Абурун арада ЦИЙИ-Макъарин хуьруьн командани авай.

Кызгындаказ кыле фейи акъажунра 1-чка ЦИЙИ-Макъарин, 2-чка Белиждин ва 3-чкани Агълабрин командайри кьуна.

Гъалибчи командадиз Кубок ва грамота, приздин чкаяр къур командайриз грамотаяр гана.

Чин гъазурайди - Хазран Къасумов

«Хизанрин гуьруьш» конкурс

Адет хъанвайвал, гъар йисуз Дидед Чаларин йикъан вилик Сулейман-Стальский райондин образованидин организацийра, культурадин маканра



дидед Чал чуруниз, хуьниз ва вилик тухуниз талукъарна гъар жуьредин мярекатар кыле тухузва. Абурун къадар алукуьнавай йисузни гзаф я.

ИкI, и йикъара И. Гь. Тагъирован тIварунихъ галай Культурадин дворецдин гъвечIи залда «Хизанрин гуьруьш» лишандик кваз мярекат кыле фена.

Мярекат ачухун яз, сифтедай конкурсдин руководитель, ИМЦ-дин методист Назират Азимовади ва дидед Чаларин муаллимрин Ассоциациядин

руководитель Гуьзел Межидовади дидед Чал хуьн ва вилик тухун патал районда тухузвай Iвлагахрикай, «Хизанрин гуьруьш» мярекат-конкурс тухунин макъсадикай рахунар авуна.

Конкурсда Алкъвадрин, ДарIуш-Къазмайрин ва Курхуьруьн «хизанрин командайри» иштиракна. Командайрик

хуьрерин школайрин муаллимар, школайра кIелзавайбуру, ясли-бахчайра авайбуру, культуработникар, яратмишдай интеллигенциядин векилар квай. Абуру чпин «хизанрин» яшайишдицай, адетрикай, агалкъунрикай метлеблу ихтилатар авуна.

Милли хуьрекрив безетмишнавай столрихъ ацукъна тешкилай конкурс 4 паюникай ибарат тир.

Конкурсдин журиди къур негитжайрин бинедаллаз I-чкадиз Алкъвадрилай тир Гуьсейноврин «хизан» лайихлу хъана. 2 ва 3-чкаяр ДарIуш-Къазмайрилай тир Наврузоврин ва Курхуьрелай тир Мирзебалаеврин «хизанри» къуна.

«Хизанрин гуьруьш» конкурс-мярекатдин гъалибидиз ва призертриз райондин образованидин управленидин Гуьрметдин грамотаяр ва шаир Арбен Къардашан «Хкъягъаяр» пуд томдин ктабар гана.

Текст кхьейди ва шикил ягъайди Хазран Къасумов я

Чи бубайрин яшайишдай

Ягъламишдай затIарин къаб

Чехи бубайрин девирра, чи йикъара хъиз, улакъар (машинар, тракторар) авачир. А вахтарасул улакъар балкIанар, ламар, яцар тир. Гъикъван четин жезвайтIани, зегъметдалрикI алай лежерри абурун куьмекдалди чилерни гъялзавай, техиларни цазвай, санай масанизни физвай. Яцар, балкIанар кутазвай алерар, арабаяр, фургъунар авай.

Малум тирвал, яргъал мензилриз фидайла, арабадин, фургъундин чархарив мукъ-

вал-мукъвал ягъламишдай затIар гуьцIдай. Гиг, чархарин ракъарив гуьцI жез, цIран тийидайвал. Чи йикъара ягъламишдай затIар гзаф ава. Бубайрин девирра лагъайтIа, абурун тупIаралди гъисабиз жедай.

Бубайрин девирда ягъламишдай затIар (запун, чIем...) твазвай махус къаб авай. Ихтин къапар гамишрин крчарикай ийизвай. Крчарин къен акъудиз, аниз ягъламишдай затIар вегъезвай. Винелай кIарасдикай авунвай

къумп гъалд хъийизвай. И затIа арабайрихъ, фургъунрихъ жедай.

Гила абурун гирек амач, я арабайра, фургъунра аваз яргъал мензилриз касни физмач, алай аямдин улакърикай менфят къачузва. Амма чIехи бубайрилай чал агакънавай ихтин яржар, безекар квадракна виже къведач. Абурун чI тарих я. Шаир Мурсал Алпана лагъайвал, «Къенин девир акваз, накъан девир такун айиб я, Вичин халкъдин накъан девир тийижир кас кесиб я».

Хазран Къасумов

Куь ихтиярар

Къазанжидикай къур налогдин пул

Юзан тийидай эменни (чил, кIвал) маса къачунвайбуруз налог яз къур пул элкъвена вахчун патал гирек чарар-цIарар МФЦ-да тукIуьрдай мумкинвал ава. Ихтилат идалай вилик къазанжидилай ганвай налогдикай физва.

МФЦ-дин идарадиз фидайла, ихтин документар гваз хъун чарасуз я:

- паспорт;
- юзан тийидай объектдин сагъиб тирди тестиьарзавай документ;
- маса къачунин-гунин икърар;
- гъилевай йисан къазанжидин гъакъиндай справка.

Кадастрдин учет вуч я?

Кадастрдин учет - им юзан тийидай объектдикай ЕГРН-дик малуматар кутун лагъай Чал я. Эгер объект кадастрдин учетда эцигнавачтIа, юридический манада ам авачирди яз гъисабзава. Объект кадастрдин учетда эцигун адан са-

гъиб жув тирди ва адан патакъай ихтияр тестиьарзавай документ тукIуьрун патал гирек я.

Кадастрдин учетда эцигун патал МФЦ-дин идарадиз къанунди истемиззавай документар къалурун чарасуз я. КIвалин кадастрдин учетдин патакъай технический план гъазурун патал кадастрдин инженердин патав фена кIанда. Документар фикирда къуна, инженерди объект ЕГРН-дик малуматар кутун патал документ гъазурзавай объект яни, тушни, гъам тайинарда.

Гуьгуьнлай сагъибди, талукъ документарни гилигна, государстводин кадастрдин учетдин гъакъиндай арза вугуда. Кадастрдин учет тухунин негитжада юзан тийидай гъар са объектдиз кадастрдин нумра гузва. Кадастрдин учет тухванва лагъана тестиьарзавай документ ЕГРН-дай ганвай выписка я.



«Сталинграддин ифенвай жив»



Герейханован хуьруьн библиотекада Сталинград (гилан – Волгоград) немсерин фашистрикай азад хъувурдалай инихъ 80 йис тамам хъуниз талукъарна «Сталинграддин ифенвай жив» тIвар алаз мярекат кыле тухвана. Ана библиотекадин кIелдайбуру ва хуьруьн I-нумрадин юкъван школадын ЧIехи классра кIелзавай аялари иштиракна.

Школьникри В. Бобкован «На Мамаеван кургане тишина», А. Суркован «Защитник Сталинграда» ва маса шиирар кIелна.

Библиотекада «Сталинград. Победа на Волге» тIвар алаз ктабрин выставкани акъуднавай.

Чи корр.

УВАЖАЕМЫЕ ЖИТЕЛИ, СКОРО 10 ЧИСЛО, ЗНАЧИТ ПОРА ПЛАТИТЬ ЗА ПОТРЕБЛЕННЫЙ ГАЗ

ООО «Газпром межрегионгаз Махачкала» напоминают о необходимости строгого соблюдения платёжной дисциплины и регулярной оплаты за потреблённый газ до 10 числа месяца, следующего за расчётным (включительно).

Абонент также должен передавать показания прибора учёта с 23 по 25 число ежемесячно.

Удобно вносить показания и производить платежи без комиссии с помощью мобильного приложения «МойГаз», через личный кабинет на сайте ООО «Газпром межрегионгаз Махачкала» <https://mkala-mrg.ru/>.



Эдебиятдин кимел

Дерин хиялар

Ву физва дагъдай,
Килигиз рекъиз.
Мус акъатдатIа,
Лугъузва хуьруьз.

Накъ гъяркъуь рекьер,
Къе хъанва гуьтIуь.
Яд авай вацIар,
Куьз хъанва къери.

Зи умуьрдихъ вил,
Галамач дустар.
Хъайила агъил,
Хуьквезмач ахвар.

Куьз къада вине,
Сад-садалай куьн.
Дуьнья я къе,
Ачухиз чаз чин.

Виликай физ вацI,
Вав рахаз амач.
Къуна гуьтIуь къацIа
Я ван ийизмач.

**Вадим Жамалдинов,
Герейханован хуьр**

Цавар рахазва,
Хъиткъинриз цифер.
Куьз хар къурзава,
Хкадриз эквер.

Зун фидайла вун,
Вилик акъатмир.
Гуьулягъдин мез гваз,
Вун зав агатмир.

КикIизва цавар,
Чуьллерихъ галаз.
Дуьньяда авай,
ЧIуру гъалар акваз.

Къевзвай къван ванер,
Эх жедани бес.
Цаварни чилер,
Негъ жедани бес.

Гъахъ тушир рекъиз,
Физ алахъ мийир.
Йифен къулариз,
Чуьнуьхиз фирмир.

«КИРИНСКИЕ ИЗВЕСТИЯ» (на лезгинском языке)

Тешкилатчи: Сулейман-Стальский райондин администрация

Къилин редактор А. М. Мирзалиева

Редакциядин ва издателдин адрес: 368760, Къасумхуьр,
СтIал Мусабан куьче, 3. Телефон: 89064505740

Печатдин кIвал

Газетдин электронный почта kizvestiya86@mail.ru

Газета зарегистрирована Южным окружным межрегиональным территориальным управлением по делам печати, телерадиовещания и средств массовых коммуникаций, регистрационный номер ПИ №10-4325 от 28.01.2002г.

Редакциядинни макъалайрин авторрин фикирар сад тахъун мумкин я. Макъалайрин, абура гъизвай делилрин дуьзвилини патакъай жаваб авторри чIи гуда. Макъалайриз рецензияр гуьзвач ва абуру элкъвена вахъузвач. Чап ийиз вахъудай вахт 15:00. Чап ийиз вахъана 10:30
Газетдин индексар: Йисан – 63323; Зур йисан – 51369
Газет йиса 52 сеферда акъатзава.
Гь – И лишандик квай материалар гъакъидихъ чапзавайбуру я.
12+ - Икъван яшар хъанвайбуру кIелрай.
Газет ООО «Типография-М» типографияда чапна, 368600, Дербент шегьер, С. Къурбанован куьче, 25. Тираж 1500. Зак. №